

Եւ նոցա առեալ ընդ իւրեանս զմանս յուխտաւորաց խօսեցան ընդ Մարտիրոսի վասն այսր բանի՝ և նա յօժարութեամբ անսացեալ աղաչանաց նոցա, եկն առ Եղիազար, և միջնորդ լեալ աղերսէր զնա ձեռնադրել զնուիրեալն։ Եւ Եղիազար ասէ. արարից ըստ բանի քում, եւ հատարեցից անյապաղ զխնդիր քոյ։ Ձեռնադրեալ ապա Եղիազարու հանդիսիւ զնուիրեալն յեպիսկոպոսութիւն՝ արար խնճոյս մեծ, և ի սեղանի տնդ յանդիման բազմութեան ասէ զՄարտիրոս վարդապետ. ոչ դու այն էիր՝ որ ցայսքան ժամանակ այսչափ վրդովմունս յարուցեր՝ կենօք և մահու հափ ընդդէմ զինելով ինձ, եւ հնարս դործէիր խաղիանել զգործ Կաթուղիկոսութեանս. քարոզ կարդացեր առ ամենեոին՝ թէ չէ նա Կաթուղիկոս. մի օրհնեացէ Միւռոն, մի ձեռնադրեացէ եպիսկոպոս, և զիա՞րդ այժմ դու քեզն եկեալ ինձ աղաչաւոր՝ մաղթանս արիւր, եւ ետող ինձ իբր Կաթուղիկոսի ձեռնադրել զդոստ եպիսկոպոս։ Եւ ես այժմ ձեռնհաս էի առնել ընդ քեզ՝ զոր ինչ դու ընդ իս կամէիր առնել. բայց ի շնորհս պատուական եղբօր իմոյ Յակոբայ Կաթուղիկոսի ներեմ քեզ, միայն թէ մնացես հաւատարիմ ի սէրդ. զայս լուեալ Մարտիրոսի՝ ափեցաւ եւ սարսափ կալաւ զնա եւ լուռ եկաց։

Յետ այսորիկ զկնի աւուրց Պենտէկոստէի ի պատրաստիլ Եղիազարու դնալ ի Կոստանդինուպօլիս, հիւանդացաւ Յակոբ Կաթուղիկոս ի թաղաւորական քաղաքի տնդ, և օր քան զօր տկարացեալ փոխեցաւ ի կենցաղոյս յերկրորդ աւուր ամենան Յղոստոսի (1680), ի հասակի 82 ամաց, կացեալ ի Կաթուղիկոսութեան ամս 25 և ամիս 4։ Եւ տարեալ թաղեցին զմարմին նորա պատուով մեծաւ ի դերեղմանատեղին Հայոց ի Պէյ օլլու։ Իսկ Եղիազար հասեալ ի Կոստանդինուպօլիս, և տեսեալ թէ վախճանեալ է Յակոբ Կաթուղիկոս, կամ ըստ ասելոյ ոմանց՝ ի ճանապարհի լուեալ զմահ նորա, դարձաւ անդրէն փութանակի յերուսաղէմ, և յայնմ օրէ տիրաբար վարէր զԿաթուղիկոսութիւն իւր ի վերայ Հայոց։

Իսկ միաբանք էջմիածնի զկնի երկար խորհրդակցութեան, և հաճելոյ զմիտս Պարսիկ իշխանին Երեւանայ, և